

十八家詩鈔卷五目錄

李太白五古中百五十三首

博平鄭太守自廬山千里相尋入江夏北市門見訪卻之
武陵立馬贈別

贈王漢陽

贈別舍人弟臺卿之江南

贈盧司戶

醉後贈王歷陽

贈歷陽褚司馬時此公爲穉子舞

贈宣城宇文太守兼呈崔侍御

贈宣城趙太守悅

贈從弟宣州長史昭

書懷贈南陵常贊府

於五松山贈南陵常贊府

自梁園至敬亭山見會公談陵陽山水兼期同遊因有此

贈

贈友人三首

陳情贈友人

贈從弟冽

贈閻邱處士

贈宣州靈源寺沖潛公

贈僧朝美

贈僧行融

贈黃山胡公求白鵝

登敬亭山南望懷古贈竇主簿

經亂後將避地剡中留贈崔宣城

獻從叔當塗宰陽冰

安陸白兆山桃花巖寄劉侍御綰

淮南臥病書懷寄蜀中趙徵君蕤

寄弄月溪吳山人

十八家詩金 卷五
秋山寄衛尉張卿及王徵君

望終南山寄紫閣隱者

夕霽杜陵登樓寄韋繇

秋夜宿龍門香山寺奉寄王方城十七丈奉國瑩上人從

弟幼成令問

聞丹邱子於城北山營石門幽居中有高鳳遺跡僕離羣

遠懷亦有棲遁之志因敘舊以寄之

淮陰書懷寄王宗成

月夜江行寄崔員外宗之

宿白鷺洲寄楊江甯

新林浦阻風寄友人

北山獨酌寄韋六

寄東魯二穉子

獨酌青溪江石上寄權昭夷

澗房懷友人岑倫南遊羅浮兼泛桂海自春徂秋不返僕

旅江外書情寄之

下尋陽城汎彭蠡寄黃判官

書情寄從弟邠州長史昭

寄上吳王三首

流夜郎永華寺寄尋陽羣官

流夜郎至西塞驛寄裴隱

江夏寄漢陽輔錄事

江上寄元六林宗

宣城九日聞崔四侍御與宇文太守遊敬亭余時登響山
不同此賞醉後寄崔侍御二首

涇溪南藍山下有落星潭可以卜築余泊舟石上寄何判

官昌浩

早過漆林渡寄萬巨

遊敬亭寄崔侍御

自金陵泝流過白壁山翫月達天門寄句容王主簿

秋日魯郡堯祠亭上宴別杜補闕范侍御

留別魯頌

留別曹南羣官之江南

留別王司馬嵩

還山留別金門知己

魏郡別蘇少府因北游

留別西河劉少府

潁陽別元丹邱之淮陽

留別廣陵諸公

感時留別從兄徐王延年從弟延陵

留別金陵諸公

金陵白下亭留別

竄夜郎於烏江留別宗十六璟

將遊衡岳過漢陽雙松亭留別族弟浮屠談皓

留別賈舍人至二首

聞李太尉大舉秦兵百萬以征東南懦夫請纓冀申一割

之用半道病還留別金陵崔侍御十九韻

別韋少府

贈別王山人歸布山

送王屋山人魏萬還王屋

送常塗趙少府赴長蘆

送友人遊梅湖

送崔十二遊天竺寺

送楊山人歸天台

送溫處士歸黃山白鷺峯舊居

送方士趙叟之東平

送韓準裴政孔巢父還山

送楊少府赴選

魯郡堯祠送吳五之琅琊

金鄉送韋八之西京

送薛九被讒去魯

送族弟凝至晏堦單父三十里

魯城北郭曲腰桑下送張子還嵩陽

送魯郡劉長史遷宏農長史

送族弟單父主簿凝攝宋城主簿至郭南月橋卻迴棲霞

山畱飲贈之

魯郡堯祠送張十四遊河北

送張遙之壽陽幕府

送裴十八圖南歸嵩山二首

送于十八應四子舉落第還嵩山

送梁公昌從信安王北征

送張秀才從軍

送崔度還吳度故人禮部員外國輔之子

送侯十一

魯中送二從弟赴舉之西京

送紀秀才遊越

送楊燕之東魯

送蔡山人

送殷淑三首

送岑徵君歸鳴皋山

送范山人歸太山

送張秀才謁高中丞

尋陽送弟昌鉅鄱陽司馬作

餞校書叔雲

洞庭醉後送絳州呂使君果流澧州

送趙判官赴黔府中丞叔幕

送郝昂謫巴中

送二季之江東

江西送友人之羅浮

宣城送劉副使入秦

涇川送族弟錚

五松山送殷淑

送崔氏昆季之金陵

登黃山凌歊臺送族弟溧陽尉濟充汎舟赴華陰

酬談少府

五月東魯行答汶上翁

答長安崔少府叔封遊終南翠微寺太宗皇帝金沙泉見

寄

酬崔五郎中

以詩代書答元丹邱

詩人卷五
金門答蘇秀才

酬坊州王司馬與閣正字對雪見贈

酬張卿夜宿南陵見贈

酬岑勛見尋就元丹邱對酒相待以詩見招

答從弟幼成過西園見贈

酬王補闕惠翼莊廟宋丞泚贈別

酬裴侍御對雨感時見贈

翫月金陵城西孫楚酒樓達曙歌吹日晚乘醉著紫綺裘

烏紗巾與酒客數人棹歌秦淮往石頭訪崔四侍御

江上答崔宣城

答族姪僧中孚贈玉泉仙人掌茶

酬裴侍御禹岫師彈琴見寄

張相公出鎮荊州尋除太子詹事余時流夜郎行至江夏
與張公相去千里公因太府丞王昔使車寄羅衣二事
及五月五日贈余詩余答以此詩

答裴侍御先行至石頭驛以書見招期月滿汎洞庭

答高山人兼呈權顧二侯

至陵陽山登天柱石酬韓侍御見招隱黃山

酬崔十五見招

遊南陽白水登石激作

遊南陽清冷泉

尋魯城北范居士失道落蒼耳中見范置酒摘蒼耳作

秋獵孟諸夜歸置酒單父東樓觀妓

遊太山六首

與從姪杭州刺史良遊天竺寺

家詩鈔卷五目錄

善化黃維申製校

十八家詩鈔卷五

湘鄉曾國藩纂 合肥李鴻章審訂

李太白五古中百五十三首

博平鄭太守自廬山千里相尋入江夏北市門見訪卻之

武陵立馬贈別

大梁貴公子氣蓋蒼梧雲若無三千客誰道信陵君救趙復存
魏英威天下聞邯鄲能屈節訪博從毛薛夷門得隱淪而與侯
生親仍要鼓刀者乃是袖鎚人好士不盡心何能保其身多君
重然諾意氣遙相託五馬入市門金鞍照城郭都忘虎竹貴且
與荷衣樂去去桃花源何時見歸軒相思無終極腸斷朗江作

陵
後

贈王漢陽

天落白玉棺一作天上王喬辭葉縣一去未千年漢陽復相見
猶乘飛鳧鳥尙識仙人面鬢髮何青青童顏皎如練吾曾弄海
水清淺嗟三變果愜麻姑言時光速流電與君數杯酒可以窮
歡宴白雲歸去來何事坐交戰

贈別舍人弟臺卿之江南

去國客行遠還山秋夢長梧桐落金井一葉飛銀牀覺罷把朝
鏡鬢毛颯已霜良圖委蔓草古貌成枯桑欲道心下事時人疑
夜光因爲洞庭葉飄落之瀟湘一作流瀟湘令弟經濟士一作謫

居我何傷一作出門潛虬隱尺一作水著論談興亡玄遇王子

喬口傳不死方入洞過天地登真朝玉皇吾將撫爾背揮手遂

朝荆一作攜手凌蒼蒼

贈盧司戶

秋色無遠近出門盡寒山白雲遙相識待我蒼梧間借問盧耽

鶴西飛幾歲還盧耽廣州人為州治中少學仙術

醉後贈王歷陽

書禿千兔毫詩裁兩牛腰筆蹤起龍虎舞袖拂雲霄雙歌一作

二胡姬更奏唱一作遠清朝舉酒挑朔雪從君不相饒

贈歷陽褚司馬時此公為穉子舞

贈歷陽褚司馬時此公為穉子舞

北堂千萬壽侍奉有光輝先同穉子舞更著老萊衣因爲小兒
唬醉倒月下歸人間無此樂此樂世中希

贈宣城宇文太守兼呈崔侍御

宣城

白若白鷺鮮清如清唳蟬受氣有本性不爲外物遷飲水箕山

上食雪首陽巔迴車避朝歌掩口去盜泉岩薨廣成子侗儻魯

仲連卓絕二公外丹心無間然已上太白自敘高潔之性昔攀六龍飛今作

百鍊鉛懷恩欲報主投佩向北燕彎弓綠弦開滿月不憚堅閑

騎駿馬獵一射兩虎穿回旋若流光轉背落雙鳶胡虜三歎息

兼知五兵權錚錚突雲將卻掩我之妍多逢勦絕兒先著祖生

鞭據鞍空矍鑠壯志竟誰宣已上自敘平生志嗟跼復來歸憂恨

坐相煎無風難破浪。失計長江邊。危苦惜頽光。金波忽三圓。時
遊敬亭上。閑聽松風眠。或弄苑溪月。虛舟信洄沿。顏公三十萬
盡付酒家錢。興發每取之。聊向醉中仙。過此無一事。靜談秋水
篇。已上自敘功名不遂。前君從九卿來。水國有豐年。魚鹽滿市
井。布帛如雲煙。下馬不作威。冰壺照清川。霜眉邑中叟。皆美太
守賢。時時慰風俗。往往出東田。竹馬數小兒。拜迎白鹿前。含笑
問使君。日一作早晚可迴旋。遂一作還歸池上酌。掩抑清風絃。曾標
橫浮雲。一作游下撫謝朓肩。樓高碧海出。樹古青蘿懸。已上頌
守之賢。光祿紫霞杯。伊昔忝相傳。良圖掃沙漠。別夢繞旌旃。富貴
日成疏。願言杳無緣。登龍有直道。倚玉阻芳筵。敢獻繞朝策。思

同郭泰船何言一水淺似隔九重天崔生何傲岸縱酒復談玄
身為名公子英才苦迤邐鳴鳳託高梧凌風何翩翩安知慕羣

客彈劔拂秋一作蓮已上敘已與宇文

贈宣城趙太守悅

趙得寶符盛山河功業存三千堂上客出入擁平原六國揚清
風英聲何喧喧大賢茂遠業虎竹光南藩錯落千丈松虬龍盤
古根枝下無俗草所植唯蘭蓀已上敘趙世胃之盛憶在南陽時始承國
士恩公為柱下史脫繡歸田園伊昔簪白筆幽都逐遊魂持斧
佐三軍霜清天北門差池宰兩邑鸚鵡立重飛翻焚香入蘭臺起
草多芳言夔龍一顧重矯翼凌翔鳩赤縣揚雷聲強項聞至尊

驚飈摧秀木。跡屈道彌敦。出牧歷三郡。所居猛獸奔。已上敘昔

並頌太遷人同衛鶴。謬上懿公軒。自笑東郭履。側慚狐白溫。閑

吟步竹石。精義忘朝昏。顛賴成醜士。風雲何足論。獼猴騎士牛

羸馬。夾雙轅。願借羲和景。為人照覆盆。溟海不震蕩。何由縱鵬

鯤。所期要津日。偶儻假騰騫。已上謝趙款接之厚仍冀其汲引也

贈從弟宣州長史昭

淮南一作望江南。千里碧山對我行。倦一作過之半落青天外。

宗英佐雄郡。水陸相控帶長川。豁中流千里瀉。吳會君心亦如

此。包納無小大。搖筆起風霜。推誠結仁愛。訟庭垂桃李。賓館羅

軒蓋。何意蒼梧雲。飄然忽相會。才將聖不偶。命與時俱背。獨立

李自中

山海間空老聖明代知音不易得撫劍增感慨當結九萬期中途莫先退

書懷贈南陵常贊府

歲星入漢年方朔見明主調笑當時人中天謝雲雨一去麒麟閣遂將朝市乖故交不過門秋草日上堦當時何特達獨與我心諧置酒凌歊臺歡娛未曾歇歌動白紵山舞迴天門月問我心中事爲君前致辭君看我才能何似魯仲尼大聖猶不遇小儒安足悲雲南五月中頻喪渡瀘師毒草殺漢馬張兵奪秦旗至今西二當作河流血擁僵屍將無七擒略魯女惜園葵咸陽天地樞累歲人不足雖有數斗玉不如一盤粟賴得契宰衡持

鈞慰風俗自顧無所用辭家方未歸霜驚壯士髮淚滿逐臣衣
以此不安席蹉跎身世違終當滅衛謗不受魯人譏

於五松山贈南陵常贊府

爲草當作蘭爲木當作松蘭秋香風遠松寒不改容松蘭相因
依蕭艾徒丰茸雞與雞竝食鸞與鸞同枝揀珠去沙礫但有珠
相隨遠客投名賢真堪寫懷抱若惜方寸心待誰可傾倒虞卿
棄趙相便與魏齊行海上五百人同日死田橫當時不好賢豈
傳千古名願君同心人於我少兩情寂寂還寂寂出門迷所適
長劍歸乎來一作歌秋風思歸客

自梁園至敬亭山見會公談陵陽山水兼期同遊因有此

贈宣州作

我隨秋風來瑤草恐衰歇
 中途寡名山安得弄雲月
 渡江如昨日黃葉向人飛
 敬亭愜素尚弭棹流清輝
 冰谷明且秀陵巒抱
 江城粲粲吳與史衣冠耀
 天京水國饒英奇潛光臥
 幽草會公真名僧所在即
 為寶開堂振白拂高論橫
 青雲雪山掃粉壁墨
 客多新文為余話幽棲且
 述陵陽美天開白龍潭月
 映清秋水黃山望石柱突兀
 誰開張一作白柱插星黃鶴久不來
 子安在蒼茫東南焉可窮
 山鳥絕飛處一作猿猴稠疊千萬
 峯相連入雲去聞此期振
 策歸來空閉關相思如明月
 可望不可攀何當移白足
 早晚凌蒼山且寄一書札
 令余解愁顏子明子安俱於陵陽得仙黃鶴

櫛於園即子
安之仙蹟也

贈友人三首

蘭生不當戶別是閑庭草
夙被霜露欺紅榮已先老
謬接瑤華枝結根君王池
顧無馨香美叨沐清風吹
餘芳若可佩卒歲長相隨

袖中趙匕首賈自徐夫人
玉匣閉霜雪經燕復歷秦
其事竟不捷淪落歸沙塵
持此願投贈與君同急難
一作寒荆卿一去後壯士多摧殘
長號易水上爲我揚波瀾
鑿井當及泉張帆當濟川
廉夫唯重義駿馬不勞鞭
人生貴相知何必金與錢
慢世薄功業非無胸中畫
謔浪萬古賢以爲兒童劇
立產如廣

費匡君懷長策但苦山北寒誰知道南宅歲酒上逐風霜鬢兩
邊白蜀主思孔明晉家望安石時來列五鼎談笑期一擲虎伏
避胡塵漁謁遊海濱敝裘恥妻嫂長劔託交親夫子秉家義羣
公難與鄰莫持西江水空許東溟臣他日青雲去黃金報主人

陳情贈友人

延陵有寶劔價重千黃金觀風歷上國暗許故人深歸來挂墳
松萬古知其心懦夫感達節壯氣激素衿鮑生薦夷吾一舉致
齊相斯人無良朋豈有青雲望臨財不苟取推分固辭讓後世
稱其賢英風邈難尙論交但若此有道孰云喪多君騁逸藻掩
映當時人舒文振頽波秉德冠彝倫卜居乃此地共井爲比鄰

清琴弄雲月美酒娛冬春薄德中見捐忽之如遺塵英豪未豹
變自古多艱幸他人縱以疏君意宜獨親柰何成離居相去復
幾許飄風吹雲霓蔽目不得語投珠冀有報按劍恐相拒所思
采芳蘭欲贈隔荆脩一作脩渚沈憂心若醉積恨淚如雨願假東壁
輝餘光照貧女

贈從弟冽

楚人不識鳳重一作高價求山雞獻主昔云是今來方覺迷自居
漆園北久別咸陽西風飄落日去節變流鶯嗥桃李寒未開幽
關豈來蹊逢君發花萼若與青雲齊及此桑葉綠春蠶起中閨
日出撥穀鳴田家擁鋤犁顧余乏尺土東作誰相攜傳說降霖

李太白詩集卷之五十五 李太白詩集卷之五十五

雨公輸造雲梯羌戎事未息君子悲塗泥報國有長策成功羞
執珪無由謁明主杖策還蓬黎他年爾相訪知我在磻溪

贈閻邱處士

賢人有素業乃在沙塘陂竹影掃秋月荷衣落古池閑讀山海
經散帙臥遙帷且飭田家樂遂曠一作廣林中期野酌勸芳酒園
蔬烹露葵如能樹桃李爲我結茅茨

贈宣州靈源寺沖濟公

敬亭白雲氣秀色連蒼梧下映雙溪水如天落鏡湖此中積龍
象獨許濟公殊風韻逸江左文章動海隅觀一作了心同水月解
領得明珠今日逢支遁高談出有無

贈僧朝美

水客凌洪波。長鯨湧溟海。百川隨龍舟。噓噏竟安在。中有不死者。探得明月珠。高價傾宇宙。餘輝照江湖。苞卷金縷褐。蕭然若空無。誰人識此寶。竊笑有狂夫。了心何言說。各勉黃金軀。

贈僧行融

梁日湯惠休。常從鮑照遊。峨眉史懷一。獨映陳公出。卓絕二道人。結交鳳與麟。行融亦俊發。吾知有英骨。海若不隱珠。驪龍吐明月。大海乘虛舟。隨波任安流。賦詩旃檀閣。縱酒鸚鵡洲。待我適東越。相攜上白樓。

贈黃山胡公求白鷗並序

聞黃山胡公有雙白鷓蓋是家雞所伏自小馴狎了無
驚猜以其名呼之皆就掌取食然此鳥耿介尤難畜之
余平生酷好竟莫能致而胡公輟贈於我唯求一詩聞
之欣然適會宿意因援筆三叫文不加點以贈之

請以雙白璧買君雙白鷓白鷓白如錦白雪恥容顏照影玉潭
裏刷毛琪樹閒夜棲寒月靜朝步落花閑我願得此鳥翫之坐
碧山胡公能輟贈籠寄野人還

登敬亭山南望懷古贈竇主簿

敬亭一迴首目盡天南端仙者五六人常聞此遊盤谿流琴高
水石聳麻姑壇白龍降陵陽黃鶴呼子安羽化騎日月雲行翼

鴛鴦下視宇宙閒。四溟皆波瀾。波絕自下事。從之復何難。百歲落半途。前期浩漫漫。強食不成味。清晨起長歎。願隨子明去。鍊火燒金丹。

經亂後將避地剡中畱贈崔宣城

雙鵝飛洛陽。五馬渡江徼。何意上東門。胡雛更長嘯。中原走豺虎。烈火焚宗廟。太白晝經天。頽陽掩餘照。王城皆蕩覆。世路成奔峭。四海望長安。嘖眉寡西笑。蒼生疑落葉。白骨空相弔。連兵似雪山。破敵誰能料。我垂北溟翼。且學南山豹。崔子賢主人。歡娛每相召。胡床紫玉笛。卻坐青雲叫。楊花滿州城。置酒同臨眺。忽思剡溪去。水石遠清妙。雪盡天地明。風開湖山貌。悶爲洛生

蘇醉發吳越調赤霞動金光日足森海嶠獨散萬古意閑垂一
溪釣猿近天上。唬人移月邊。棹無以墨綬苦來求丹砂。要華髮
長折腰將貽陶公誚。

獻從叔當塗宰陽冰

當塗

金鏡覆六國亡新亂天經焉知高光起自有羽翼生蕭曹安峴
吼耿賈摧欃槍吾家有季父傑出聖代英雖無三台位不借四
豪名激昂風雲氣終協龍虎精弱冠燕趙來賢彥多逢迎魯連
擅談笑季布折公卿遙知禮數絕常恐不合并惕想結宵夢素
心久已冥顧慚青雲器謬奉玉樽傾山陽五百年綠竹忽再榮
高歌振林木大笑喧雷霆落筆灑篆文崩雲使人驚吐辭又炳

煥五色羅華星秀句滿江國。高才揆天庭宰邑艱難時浮雲壑
古城居人若薙草掃地無纖莖惠澤及飛走農夫盡歸耕廣漢
水萬里長流玉琴聲雅頌播吳越還如太階平小子別金陵來
時白下亭羣鳳憐客鳥羞池相哀鳴各拔五色毛意重大山輕
贈微所費廣斗水澆長鯨彈劔歌苦寒嚴風起前楹月銜天門
曉霜落牛渚清長歎卽歸路臨川空屏營首六句以蕭曹欣買
引起陽冰不甚精切

浮雲三句言邑中艱
難瘠苦。已上投贈

安陸白兆山桃花巖寄劉侍御綰

安陸一作春歸桃花巖
始許侍御。以下寄懷

雲臥三十年好閑復愛仙蓬壺雖冥絕鸞鶴心悠然歸來桃花
巖得憩雲窗眠一本云幼採紫房談早愛滄溟仙心跡頗相對
誤世事空徂遷歸來丹巖曲得憩青霞眠

嶺人共語飲潭。猿相連時昇翠微。上邈若羅浮嶺。兩岑抱空壑。
一嶂橫西天。樹雜日易隱。崖傾月難圓。芳草換野色。飛蘿搖春
煙。入遠構石室。選幽開山田。獨此林下意。杳無區中緣。永辭霜

臺客

一作縑衣客

千載方來旋

此等詩似謝宣城

淮南臥病書懷寄蜀中趙徵君

淮南

吳會一浮雲。飄如遠行客。

一作葛里無主人。一身獨爲客。

功業莫從就。歲光屢

奔迫。良圖俄棄捐。衰疾乃縣劇。古琴藏虛匣。長劔挂空壁。楚懷

奏鍾儀。越吟比莊舄。

一作臥來恨已久。興發思逾積。

國門遙天外。鄉路遠山隔。

朝憶相如臺。夜夢子雲宅。旅情初結緝。

一作如骨

秋氣方寂歷。風

入松下清露出。草閒白故人不在此。

一作不見

而我幽夢誰與適。

寄書西飛鴻贈爾慰離析

寄弄月溪吳山人

嘗聞龐德公家住洞湖水終身栖鹿門不入襄陽市夫君弄明月滅景清淮裏高蹤邈難追可與古人比清揚杳莫覩白雲空望美待我辭人間攜手訪松

秋山寄衛尉張卿及王徵君

會稽

何以折相贈白花青桂枝月華若夜雪見此令人思雖然剡溪興不異山陰時明發懷二子空吟招隱詩

望終南山寄紫閣隱者

長安

出門見南山引領意無限秀色難爲名蒼翠日在眼有時白雲

起天際自舒卷。心中與之然。託興每不淺。何當造幽人。滅跡棲絕巘。

夕霽杜陵登樓寄韋繇

浮陽滅霽景。萬物生秋容。登樓送遠目。伏檻觀羣峯。原野曠超

緬。關河紛錯重。清輝映竹日。一作水竹翠色明雲松。蹈海寄遐想。還

山迷舊蹤。徒然迫晚暮。未果諧心胸。結桂空伫立。折麻恨莫從。

一作采菊竟誰舉。游蘭恨莫從。思君達永夜。長樂聞疏鐘。

秋夜宿龍門香山寺奉寄王方城十七丈奉國瑩上人從

弟幼成令問 洛陽

朝發汝海東。暮棲龍門中。水寒夕波急。木落秋山空。望極九霄

迴賞幽萬壑通目皓沙上月心清松下一作風玉斗生

戶銀河耿花宮興在趣方逸歡餘情未終一作咫尺世喧鳳駕

憶王子虎溪懷遠公桂枝坐蕭瑟一作棣華不復同流恨

寄伊水盈盈焉可窮

聞丹邱子於城北山營石門幽居中
有高鳳遺跡僕離羣

遠懷亦有棲遁之志因敘舊以寄之

春華一作滄江月秋色碧海雲離居盈寒暑對此長思君

楚水南望君淮山北夢魂雖飛來會面不可得疇昔在嵩陽同

衾臥羲皇綠蘿笑簪紱丹壑賤巖廊晚途各分析乘興任所適

僕在鴈門關君為峨眉客心懸萬里外影滯兩鄉隔長劔復歸

李詩少 卷五 五古 李白

來相逢洛陽陌陌上何喧喧都令心意煩迷津覺路失託勢隨
風翻以茲謝朝列長嘯歸故園故園恣閑逸求古散縹帙久欲
入一作尋名山婚嫁殊未畢人生信多故世事豈惟一念此憂如
焚悵然若有失聞君臥石門宿昔契彌敦方從桂樹隱不羨桃
花源高鳳起遐曠幽人跡復存松風清瑤瑟溪月湛芳樽安居
偶佳賞丹心期此論敘嵩陽一會旋別向鴈門洛陽一會旋別
向故園脈絡分明而行開一種跌宕飄逸
之氣獨邁羣賢

淮陰書懷寄王宗成一首

再至淮南一作王宋城

沙墩至梁苑二十五長亭大舶夾雙櫓中流鵝鶴鳴雲天掃空
碧川岳涵餘清飛鳧從西來適與佳興并眷言王喬鳥婉變故

人情復此親懿會而增交道榮沿洄且不定飄忽悵徂征與投
淮陰宿欣得漂母迎斗酒烹黃雞一餐感素誠予爲楚壯士不
是魯諸生有德必報之千金恥爲輕緬書羈孤意遠寄棹歌聲

前十二句言昔在梁苑與王相會
聚後十二句敘近至淮陰心懷

月夜江行寄崔員外宗之

飄飄江風起蕭颯海樹秋登艫美清夜挂席移輕舟月隨碧山
轉水合清天流杳如一作然星河上但覺雲林幽歸路方浩浩徂
川去悠悠徒悲蕙草歇復聽菱歌愁岸曲迷後浦沙明瞰前洲
懷君不可見望遠增離憂

宿白鷺洲寄楊江甯

五言古詩

卷之五

五言

卷之五

三

朝別朱雀門暮棲白鷺洲一作沙光搖海月星影入城樓望美

金陵宰如思瓊樹憂徒令魂作夢翻覺夜成秋綠水解人意為

余西北流因聲玉琴裏蕩漾寄君愁

新林浦阻風寄友人

一云金陵阻風雪書懷寄楊江甯

潮水定可信天風難與期清晨西北轉薄暮東南吹以此難挂

席佳期益相思

一本云以此難挂席河沿頗淹遲使索金陵海書又叨賢宰知絃歌止過客惠化聞京師

月破圓

一作景菰蔣生綠池昨日北湖梅開花已滿枝一作昨日北湖

花初開今朝一作白門柳夾道垂青絲歲物忽如此我來定一作

未滿枝復幾時紛紛江上雪草草客中悲明發新林浦一作橋浦空吟謝

朓詩

北山獨酌寄韋六

巢父將許由未聞買山隱道存跡自高何憚去人近紛吾下茲
嶺地閑誼亦泯門橫羣岫開水鑿眾泉引屏高而在雲竇深莫
能準川光晝昏凝林氣夕淒紫於焉摘朱果兼得養玄牝坐月
觀寶書拂霜弄瑤軫傾壺事幽酌顧影還獨盡念君風塵遊傲

爾令自哂

一作安知世上
人名利空齋齋

寄東魯二穉子

在金陵作

吳地桑葉綠吳蠶已三眠我家寄東魯誰種龜陰田春事已不
及江行復茫然南風吹歸心飛墮酒樓前樓東一株桃枝葉拂
青煙此樹我所種別來向三年桃今與樓齊我行尙未旋嬌女

字平陽折花倚桃邊折花不見我淚下如流泉小兒名伯禽與
姊亦齊肩雙行桃樹下撫背復誰憐念此失次第肝腸日憂煎
裂素寫遠意因之汶陽川

獨酌青溪江石上寄權昭夷

秋浦

我攜一樽酒獨上江祖石自從天地開更長幾千尺舉杯向天
笑天迴日西照永願坐此石長垂嚴陵釣寄謝山中人可與爾
同調

禪房懷友人岑倫南遊羅浮兼泛桂海自春徂秋不返僕

旅江外書情寄之

尋陽

嬋娟羅浮月搖豔桂水雲美人竟獨往而我安能羣一朝語笑

隔萬里懽情分沈吟綵霞沒夢寐瓊芳歇歸鴻度三湘遊子在

百越邊塵染衣劔白日凋華髮已上敘岑春氣變楚關秋聲落

吳山草木結悲緒風沙淒苦顏竭來已永久頽思如循環飄飄

限江裔想像空畱滯離憂每醉心別淚徒盈杖坐愁青天末出

望黃雲蔽已上敘已目極何悠悠梅花南嶺頭空長滅征鳥水

闊無還舟寶劔終難託金囊非易求歸來儻有問桂樹山之幽

已上敘懷想之殷

下尋陽城汎彭蠡寄黃判官

浪動灌嬰井尋陽一作吾知江上風開帆入天鏡直向彭湖東落景

轉疏雨晴雲散遠空名山發佳興一作返景照疏雨輕煙清賞

遺陸中流得佳興

亦何窮石鏡挂遙月香爐滅彩虹壁一作瀑布灑青相思俱對此
舉目與君同

書情寄從弟邠州長史昭

自笑客行久我行定幾時綠楊已可折攀取最長枝翩翩一作
弄春色延仁寄相思誰言貴此物意願厚一作重瓊蕤昨夢見惠
連朝吟謝公詩東風引碧草不覺生華池臨翫忽云夕杜鵑夜
鳴悲懷君芳歲歇庭樹落紅滋

寄上吳王三首

淮王愛八公攜手綠雲中小子添枝葉亦攀丹桂叢謬以詞賦
重而將枚馬同何日背淮水東之觀土風

坐嘯廬江靜閑進玉觴去時無一物東壁挂胡床

英明廬江守聲譽廣平籍掃灑黃金臺招邀青雲客客曾與天
通出入清禁中襄王憐宋玉願入蘭臺宮

流夜郎永華寺寄尋陽羣官

流夜郎

朝別凌煙樓賢豪滿行舟眼投永華寺賓散予獨醉願絕九江
流添成萬行淚寫意寄廬嶽何當來此地天命有所懸安得苦
愁思

流夜郎至西塞驛寄裴隱

上峽

揚帆借天風水驛苦不緩平明及西塞已先投沙伴迴巒引羣
峯橫蹙楚山斷砮衝萬壑會震沓百川滿龍怪潛溟波候時救

炎旱我行望雷雨。安得霑枯散鳥去。天路長人悲。春光短空將
澤畔吟。寄爾江南管。

江夏寄漢陽輔錄事

誰道此水廣狹如一匹。練江夏黃鶴樓青山漢陽縣。大語猶可
聞。故人難可見。君草陳琳檄。我書魯連箭。報國有壯心。龍顏不
迴眷。西飛精衛鳥。東海何由填。鼓角徒悲鳴。樓船習征戰。抽劍
步霜月。夜行空庭徧。長呼結浮雲。埋沒顧榮扇。他日觀軍容。投
壺接高宴。

江上寄元六林宗

霜落江始寒。楓葉綠未脫。客行悲清秋。永路苦不達。滄波眇川

汜白日隱天末。停棹依林巒。驚猿相叫聒。夜分河漢轉。起視溟漲闊。涼風何蕭蕭。河水鳴活活。浦沙淨如洗。海月明可掇。蘭交空懷思。瓊樹詎解渴。勗哉滄洲心。歲晚庶不奪。幽賞頗自得。興遠與誰豁。

宣城九日聞崔四侍御與宇文太守遊敬亭余時登響山
不同此賞醉後寄崔侍御二首

九日茱萸熟。插鬢傷早白。登高望山海。滿目悲古昔。遠訪投沙人。因爲逃名客。故交竟誰在。獨有崔亭伯。重陽不相知。載酒任所適。手持一枝菊。調笑二千石。日暮岸幘歸。傳呼隘阡陌。彤檐雙白鹿。賓從何輝赫。夫子在其間。遂成雲霄隔。長辰與美景。兩

地方虛擲晚從南峯歸蘿月下水壁卻登郡樓望松色寒轉碧

咫尺一作望美不可親棄我如遺鳥

九卿天上落五馬道傍來列戟朱門曉褰帷碧嶂開登高望遠

海召客得英才紫絲歡情洽黃花逸興催山從圖上見溪即一作

向鏡中迴遙羨重陽作應歌戲馬臺此首本五言排律附鈔入五古中

涇溪南藍山下有落星潭可以卜築余泊舟后上寄何判

官昌浩

藍岑竦天壁突兀如鯨額奔蹙橫澄潭勢吞落星石沙帶秋月

明水搖寒山碧佳境宜緩棹清輝能留客恨君阻歡遊使我自

驚惕所期俱卜築結茅鍊金液

早過漆林渡寄萬巨

西經大藍山南來漆林渡水色倒空青
林煙橫積素漏流昔香
禽沓浪競奔注潭落天上星龍開水中霧
巉巖注公柵突兀陳
焦墓嶺峭紛上千川明屢迴顧因思萬夫子
解渴同瓊樹何日
覩清光相歡詠佳句

遊敬亭寄崔侍御

一本作登古城望府中奉寄
崔侍御其不同處悉重出

我家敬亭下輒繼謝公

樓一作我登謝公

相去數百年風期宛

如昨登高素秋月

一作高城

下望青山郭府中鴻鸞羣

一作俯

羣飲啄自鳴躍夫子雖踰蹙瑤臺雪中鶴獨立窺浮雲
其心在

寥廓時來一顧我笑飯葵與藿

一作時來顧我

世路如秋風相

李太白詩

逢盡蕭索腰閒玉具劍意許無遺諾一作願為經冬壯士不可

輕一作疏相期在雲閣一作作相隨

自金陵泝流過白壁山翫月達天門寄句容王主簿

滄江泝流歸白壁見秋月秋月照白壁皓如山陰雪幽人停宵

征賈客忘早發進帆天門山迴首牛渚沒川長信風來日出宿

霧歎故人在咫尺新賞成胡越寄君青蘭花惠好庶不絕新賞

雖有新賞而隔絕不得與同咫尺萬里如胡越也。已上寄懷

秋日魯郡堯祠亭上宴別杜補闕范侍御魯中。以下

我覺秋興逸誰云秋興悲山將落日去水與晴空宜魯酒白玉

壺送行駐金羈歇鞍憩古木解帶挂橫枝歌鼓川上亭曲度神

飈吹一本無歌鼓川上亭曲度神飈吹十字卻添南歌憶郢客
各韻東轉見齊姬清波忽滄蕩白雪紛逶迤一隔范杜遊此歡
雲歸碧海夕雁沒青天時相失各萬里茫然空爾思

留別魯頌

誰道太山高下卻魯連節誰云秦軍眾摧卻魯連舌獨立天地
開清風灑蘭雪夫子還個儼攻文繼前列錯落石上松無爲秋
霜折贈言鏤寶刀千歲庶不滅

留別曹南羣官之江南

我昔釣白龍放龍溪水傍道成本欲去揮手凌蒼蒼時來不關
人談笑遊軒皇獻納少成事歸休辭建章十年罷西笑覽鏡如
秋霜閉劔琉璃匣鍊丹紫翠房身佩豁落圖腰垂虎盤囊仙人

李白中

借綵鳳志在窮遐荒戀子四五人徘徊未翱翔東流送白日驟
歌蘭蕙芳仙宮兩無從人閒久摧藏范蠡脫句踐屈平去懷王
飄飄紫霞心流浪憶江鄉愁爲萬里別復此一銜觴淮水帝王
州金陵繞丹陽樓臺照海色衣馬搖川光及此北望君相思淚
成行朝雲落夢渚瑤草空高唐帝子隔洞庭青楓滿瀟湘懷歸
路緜邈覽古情淒涼登岳眺百川杳然萬恨長卻戀峨眉去弄
景偶騎羊

留別王司馬嵩

魯連竄談笑豈是顧千金陶朱雖相越本有五湖心余亦南陽
子時爲梁甫吟蒼山容假蹇白日惜頽侵願一佐明主功成還

舊林西來何所為孤劍託知音鳥愛碧山遠一作鳳集魚遊滄

海深呼鷹過上蔡賣畚向嵩岑他日閑相訪邱中有素琴

還山畱別金門知己一本云出金門後書懷畱別翰林諸公

好古笑流俗素聞賢達風方希佐明主長揖辭成功白日在青

天迴光囑照一作微躬恭承鳳凰詔歛起雲羅一作藤蘿中清切紫霄

迴優遊丹禁通君王賜顏色聲價凌煙虹乘輿擁翠蓋扈從金

城東寶馬驟一作麗絕景錦衣入新豐倚巖望松雪對酒鳴絲桐

方一作因學揚子雲獻賦甘泉宮天書美片善清芬一作播無窮

歸來入咸陽譚笑皆王公一朝去金馬飄落成飛蓬賓友一作從

日疏散玉樽亦一作尋已空長才一作力猶可倚不慙世上雄閑來

詩人來詩少 卷五 五古 李白

東武吟曲盡情未終書此謝知己扁舟一作滄波尋釣翁

魏郡別蘇少府因北游

魏郡接燕趙美女誇芙蓉淇水流碧玉舟車日奔衝青樓夾兩

岸萬室喧歌鍾天下稱豪貴一作遊此一作中每相逢洛陽蘇

季子劔戟森詞鋒六印雖未佩一作復過秦軒車若飛龍黃金數

百鎰白璧有幾雙散盡空掉臂高歌賦還一作臨邛合從又連橫

其意未可封落拓乃如此一作誰人不相從遠別隔兩河雲山

沓千重一作滿愁容一作雲天何時更杯酒再得論心胸

畱別西河劉少府

秋一作我我一作髮已種種所為竟無成閑傾魯壺酒笑對劉公榮阮籍與王

戎飲酒不與劉公榮謂其相知甚深無所疑忌也 謂我是方朔人閒落歲星白衣千萬乘何事去天庭君亦不得意高歌羨鴻冥世人若醯雞安可識梅生雖爲刀筆吏細懷在赤城余亦如流萍隨波樂休明自有兩少妾雙騎駿馬行東山春酒綠歸隱謝浮名

潁陽別元丹邱之淮陽

河南

吾將元夫子異姓爲天倫本無軒裳契素以煙霞親嘗恨迫世網銘意俱未伸松柏雖寒苦羞逐桃李春悠悠世朝聞玉顏日緇磷所共重山岳所得輕埃塵精魄漸蕪穢衰老相憑因我有錦囊訣可以持君身當餐黃金藥去爲紫陽賓萬事難竝立百年猶崇晨別爾東南去悠悠多悲辛前志庶不易遠途期所遵

已矣歸去來白雲飛天津

畱別廣陵諸公

淮南○一作畱
別邯鄲故人

憶昔作少年結交趙與燕金羈絡駿馬錦帶橫龍泉寸心無疑
事所向非徒然晚節覺此疏獵精草太玄空名束壯士薄俗棄
高賢中迴聖明顧揮翰凌雲煙騎虎不敢下攀龍忽墮天還家
守清真孤潔勵秋蟬鍊丹費火石採藥窮山川臥海不關人租
稅遶東田乘興忽復起棹我溪中船臨醉謝葛強山公欲倒鞭
狂歌自此別垂釣滄浪前

感時畱別從兄徐王延年

一作延年
延平從弟延陵

天籟何參差噫然大塊吹玄元苞橐籥紫氣何逶迤

一作七葉
融怡

運皇化千齡光本枝仙風生

指樹大雅歌螽斯諸王若鸞虬蕭

穆列藩維

已上敘李氏本老

子貴

哲兄錫茅士聖代含榮滋九

卿領徐方七步繼陳思伊昔

全盛日雄豪動京師冠劍朝鳳闕

樓船侍龍池鼓鐘出朱邸金

翠照丹墀君王一顧眄選色獻蛾

眉列戟十八年未曾輒遷移

大臣小嗜鳴謫竄天南陲長沙不

足舞貝錦且成詩佐郡浙江西病閑絕趨馳階軒日苔蘚鳥雀

噪檐帷時乘平肩輿出入畏人知北宅聊假憩歡愉恤惓羨羞

言梁苑地烜赫耀旌旗

已上敘徐王事

兄弟八九人吳秦各分離大賢

達機兆豈獨慮安危小子謝麟閣雁行忝肩隨令弟字延陵鳳

毛出天姿清英神仙骨芬馥芷蘭蕤夢得春草句將非惠連誰

深心紫河車與我特相宜
金膏猶罔象玉液尙磷緇
伏枕寄賓館宛同清漳涓
藥物多見饋珍羞亦兼之
誰道溟渤深猶言淺恩慈
已上敘延陵與鳴蟬遊子意
促織念歸期驕陽何火赫
海水鑠龍龜百川盡凋枯
舟楫閣中遠策馬搖涼月
通宵出郊歧泣別目眷眷
傷心步步遲遲願言保明德
王室仁清夷摻杖何所道
援毫投此辭已上述別之意
時方枯旱也

畱別金陵諸公

金陵

海水昔飛動三龍紛戰爭
謂魏吳鍾山危波瀾傾側駭奔鯨
黃旗一掃蕩割壤開吳京
六代更霸王遺跡見都城
一作遺都至今秦淮間禮樂秀羣英
地扇鄒魯學詩騰顏謝名
已上賦五月金

陵西祖余白下亭欲尋廬峯頂先繞漢水行香爐紫煙滅瀑布
落太清若攀星辰去揮手緬含情

金陵白下亭留別

驛亭三楊樹正當白下門吳煙暝長條漢水鬻古根向來送行
處迴首阻笑言別後若見之爲余一攀翻

竊夜郎於烏江留別宗十六璟

疑烏江及宗字誤

君家全盛日台鼎何陸離斬鼉翼媧皇鍊石補天維一迴日月
顧三入鳳凰池失勢青門傍種瓜復幾時猶會舊賓客三千光
路歧皇恩雪憤懣松柏含榮滋我非東床人令姊忝齊眉浪迹
未出世空名動京師適遭雲羅解翻謫一作遣夜郎悲拙妻莫邪

劍及此一龍隨。慚君滄波苦。千里遠從之。白帝曉猿斷。黃牛過

客遲遙。瞻明月。峽西去。益相思。

將遊衡岳過漢陽雙松亭畱別族弟浮屠談皓

秦欺趙氏璧。卻入邯鄲宮。本是楚家玉。還來荆山中。符彩照滄

溟。清輝凌白虹。青蠅一相點。流落此時同。卓絕道門秀。談玄乃

支公。延蘿結幽居。翦竹繞芳叢。涼花拂戶牖。天籟一作鳴虛空。

憶我初來時。蒲萄開景風。今茲大火落。秋葉黃梧桐。水色夢沅

湘。長沙去何窮。寄書訪衡嶠。但與南飛鴻。

畱別賈舍人至二首

大梁白雲起。飄飄來南洲。徘徊蒼梧野。十見羅浮秋。鼇挾山海

傾四溟揚洪流意欲託孤
鳳從之摩天遊鳳苦道路難翱翔還
崑邱不肯銜我去哀鳴慙
不周遠客謝主人明珠難暗投拂拭
倚天劍西登岳陽樓長嘯
萬里風掃清胸中夔誰念劉越石化
爲繞指柔

秋風吹胡霜凋此檐下芳
折芳怨歲晚離別悽以傷謬攀青瑣
賢延我於此堂君爲長沙
客我猶之夜郎勸此一杯酒豈唯道
路長割珠兩分贈寸心貴
不忘何必兒女仁相看淚成行

聞李太尉大舉秦兵
百萬出征東南懦夫請纆冀申一割

之用半道病還畱
別金陵崔侍御十九韻

復至金陵

秦出天下兵蹴踏燕趙傾
黃河飲馬竭赤羽連天明太尉杖旄

鉞雲旗繞彭城三軍受號令千里肅雷霆函谷絕飛鳥武關擁
連營意在斬巨龍何論鱗長鯨一作鯨與鯨恨無左車路多愧魯連
生拂劍照嚴霜雕戈鬪胡纓願雪會稽恥將期報恩榮半道謝
病還無因一作由東南征亞夫未見顧劇孟阻先行天奪壯士心
長吁別吳京金陵遇太守倒履欣一作相逢迎羣公咸祖餞四座
羅朝英初發臨滄觀醉栖征虜亭舊國見秋月長江流塞聲帝
車一作居信迴轉河漢縱復橫孤鳳向西海飛鴻辭北溟因之出
寥廓揮手謝公卿

別韋少府

宣州

西出蒼龍門南登白鹿原欲尋南一作商山皓猶戀漢皇恩水國

遠行邁仙經深討論洗心旬
溪月清耳敬亭猿築室在人境閉
關無世誼多君枉高駕贈我以
微言交乃意氣合道因風雅存

別離有相思瑤瑟與金樽

已上別

贈別王山人歸布山

以下送別

王子析道論微言破秋毫還歸布山隱興入天雲高爾去安可
遲瑤草恐衰歇我心亦懷歸屢夢松上月傲然遂獨往長嘯開
巖扉林壑久已蕪石道生薺薇願言弄笙鶴歲晚來相依

送王屋山人魏萬還王屋

王屋山人魏萬云自嵩宋浴吳相送數千里不遇乘興
遊台越經永嘉觀謝公石門後於廣陵相見美其愛文

好古浪跡方外因述其行而贈是詩一作見王屋山魏

梁入吳計程三千里相訪不遇因下江東尋諸名山往復百越後於廣陵一面遂乘興共過金陵美此公愛奇

好古獨往物表因述其行李遂有此贈

仙人東方生浩蕩弄雲海沛然乘天遊獨往失所在一作東方

訪紫泥海時人少魏侯繼大名本家聊攝城卷舒入元化雜一作

隱跡與古賢并十三弄文史揮筆如振綺辯折田巴生心齊魯

連子西涉清洛源頗驚人世諠採秀臥王屋因窺洞天門已上

萬邈然獨往高臥王屋榻來遊嵩峯羽容何雙雙朝攜月光子暮宿玉女

窗鬼谷上窈窕龍潭下奔深遊嵩東浮汴河水訪我三千里津

宋逸興滿吳雲飄飄浙江汜遊吳揮手杭越開樽亭望湖還瀉

卷海門石雪橫天際山白馬走素車雷奔駭心顏遊浙遙聞會

稽美一弄一作度耶谿水萬壑與千巖崢嶸鏡湖裏秀色不可名

清輝滿江城人遊月邊去舟在空中行此中久延伫入剡尋王

許王許謂王執之許邁也笑讀曹娥碑沈吟黃絹語稽遊會天台連四明日

入向國清僧惠虛居天台國清寺與同五峯轉月色百里行松

聲靈溪恣沿越華頂殊超忽石梁橫青天側足履半月遊天台眷

一作然思永嘉不憚海路賒挂席歷海嶠迴瞻赤城霞赤城漸

微沒孤嶼前曉兀水續萬古流亭空千霜月遊永嘉縉雲川谷難

石門最可觀瀑布挂北斗莫窮此水端噴壁灑素雪空濛生畫

塞卻尋惡溪去甯懼惡溪惡咆哮七十灘水石相噴薄路創李

北海李公邕昔為巖開謝康樂惡溪有康樂題詩處一作松

風和搜索連洞壑遊石門徑出岸接梅花橋雙溪納歸潮

落帆金華岸赤松若可招沈約八詠樓城西孤峯巖巖四荒

外曠野羣川會雲卷天地開波連浙西大遊金亂流新安口北

指巖光瀨釣臺碧雲中邈與蒼梧對遊巖稍稍來吳都徘徊上

姑蘇煙絲橫九疑一作濤一作濤見五湖目極心更遠悲歌但長吁

還過蘇州迴橈楚江濱大江自三峽以下直至灕須揮策揚子津身

著日本裘裘則朝卿所贈昂藏出風塵五月造我語知非伯儼

人賦曰伯儼不前也相逢樂無限水石日在眼徒干五諸侯不

致百金產吾友揚子雲絃歌播清芬雖為江甯宰好與山公羣

乘興但一行且知我愛君君來幾何時仙臺應有期東窗綠玉
樹定長三五枝一作如今天壇人當笑爾歸遲我苦惜遠別茫
然使心悲黃河若不斷白首長相思

送當塗趙少府赴長蘆

我來揚都市送客迴輕舸因誇吳太子便覩廣陵濤仙尉趙家
玉英風凌四豪維舟至長蘆目送煙雲高搖扇對酒樓持杖把
蟹螯前途儻相思登嶽一長謠

送友人遊梅湖

送君遊梅湖應見梅花發有使寄我來無令紅芳歇暫行新林
浦定醉金陵月莫惜一雁書音塵坐胡越

送崔十二遊天竺寺

還聞天竺寺夢想懷東越
每年海樹霜桂子落秋月送君遊此
地已屬流芳歇待我來歲行相隨浮溟渤

送楊山人歸天台

客有思天台東行路超忽濤落浙江秋
沙明浦陽月今遊方厭楚昨夢先歸越
且盡秉燭歡無辭凌晨發我家小阮賢
剖竹赤城邊詩人多見重官燭未曾然
興引登山屐情催汎海船石橋如可度
攜手弄雲煙

送溫處士歸黃山白鷺峯舊居

黃山四千仞三十二蓮峯丹崖夾石柱
藹藹金芙蓉伊昔昇絕

頂下窺天目松仙人鍊玉處羽化畱餘蹤亦聞溫白雪一作獨

往今相逢採秀辭五嶽攀巖歷萬重歸休白鷺嶺渴飲丹沙井

鳳吹我時來雲車爾當整去去陵陽東行行芳桂叢迴谿十六

度碧嶂盡晴空他日還相訪乘橋躡綵虹首八句自敘曾游黃

白鶴峯巖吹八句送溫去而又約相訪也

送方士趙叟之東平

長桑晚洞視五藏無全牛趙叟得祕訣還從方士遊西過獲麟

臺爲我弔孔邱念別復懷古潛然空淚流首句用扁鵲

送韓準裴政一作孔巢父還山 魯中

獵客張旄置不能挂龍虎所以青雲人高歌一作在巖戶韓生

入宋詩抄卷五李自中

信英

一作彥

裴子含清真孔侯復秀出俱與雲霞親峻節凌遠

松同衾臥盤石斧冰漱寒泉三子同

一作傳

二屐時時或乘興往

往

一作去

雲無心出山揖牧伯長嘯輕衣簪昨宵夢裏還云弄竹

溪月今晨魯東門帳飲與君別雪崖滑去馬蘿逕迷歸人相思

若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮清深吾君詠南

風袞冕彈鳴琴時泰多美士京國會纓簪山苗落澗底幽松出

高岑夫子有盛才主司得球琳流水非鄭曲前行遇知音衣工

翦綺繡一誤傷千金何惜刀尺餘不裁寒女衾我非彈冠者感

別但開襟空谷無白駒賢人豈悲吟大道安弃物時來或招尋

爾見山吏部當應無陸沈首十句言吏部選政之平山苗二句

詩而反其意夫子四句送其赴選之正文也衣工句以下太白亦有用世之志冀時有山公者甄拔及之耳

魯郡堯祠送吳五之琅琊

堯沒三千歲青松古廟存送行奠桂酒拜舞清心魂日色促歸

人連歌倒芳樽馬嘶俱醉起分手更何言

金鄉送韋八之西京

客自長安來還歸長安去狂一作秋風吹我心西挂咸陽樹此情

不可道一作論此別何時遇望望不見君連山起煙霧

送薛九被讒去魯

詩以

宋人不辨玉魯賤東家邱我笑辭夫子一作而我胡為兩地遊

黃金消眾口白璧竟難投梧桐生蒺藜綠竹乏佳實鳳皇宿誰

家遂與羣雞匹田一作方家養老馬窮士歸其門蛾眉笑筮者賓

客去平原卻斬美人首三千還駿奔毛公一挺劍楚趙兩相存

孟嘗習一作悅狡兔三窟賴馮諼信陵奪兵符為用侯生言一作宋生

擊晉鄙為春申一何愚刎首為李園賢哉四公子撫掌黃泉裏

借問笑何人笑人不好士爾去且勿誼一作論桃花竟何言沙邱

無漂母誰有飯王孫

送族弟凝至晏堦單父三十里金鄉單縣等處村莊多名

鉅野之龍地皆巨鎮也其字亦作固
通鑑有薄旬固涑水在單縣西南

雪滿原野白戎裝。出盤遊揮鞭布獵騎。四顧登高邱。兔起馬足
聞蒼鷹下平疇。喧呼相馳逐。取樂銷人憂。捨此戒禽荒。徵聲列
齊謳。鳴鷄發晏埭。別鴈驚涑溝。西行有東晉。寄與長河流。

魯城北郭山腰桑下送張子還嵩陽

送別枯桑下。凋葉落半空。我行憺道遠。爾獨知天風。誰念張仲
蔚。還依蒿與蓬。何時一杯酒。更與李膺同。

送魯郡劉長史遷宏農長史

魯國一杯水。難容橫海鱗。仲尼且不敬。况乃尋常人。白玉換斗
粟。黃金買尺薪。閉門木葉下。始覺秋非春。聞君向西遷。地卽鼎
湖鄰。寶鏡匣蒼蘚。丹經埋素塵。軒后上天時。攀龍遺一作小臣

及此畱惠愛庶幾風化淳魯縞如白煙五緜不成東臨行贈貧
交一尺重山岳相國齊晏子贈行不及言託陰當樹李忘憂當
樹萱他日見張祿緜袍懷舊恩

送族弟單父主簿凝攝宋城主簿至郭南月橋卻迴棲霞

山畱飲贈之

吾家青萍劍操割有餘閑往來糾二邑此去何時還鞍馬月橋
南光輝歧路間賢豪相追餞卻到棲霞山羣花散芳園斗酒開
離顏樂酣相顧起征馬無由攀

魯鄆堯祠送張十四遊河北

猛虎伏尺草雖藏雖蔽身有如張公子翫髀在風塵豈無橫腰

劍屈彼淮陰人擊筑向北燕燕歌
易水濱歸來太山上當與爾
為鄰

送張遙之壽陽幕府

壽陽信天險天險橫荆關
苻堅百萬眾遙阻八公山
不假築長城大賢在其間
戰夫若熊虎破敵有餘閑
張子勇且英少輕衛霍
屢拔軀紫髯將千里望風
顏勗爾效才略功成衣錦還

送裴十八圖南歸嵩山二首

何處可為別長安青綺門
胡姬招素手一作客醉金樽臨當

上馬時我獨一作與君言
風吹一作芳蘭折日沒鳥雀喧
舉手

指飛鴻此情難具論
同歸無早晚潁水有清源
風吹句謂賢人遭讒毀日沒句

謂水人
鳴得意

君思頰水綠忽復歸嵩岑歸時莫洗耳爲我洗其心洗心得真
情洗耳徒買名謝公終一起相與濟蒼生

送于十八應四子舉落第還嵩山

吾祖

謂老

吹囊籥天人信森羅歸根復太素羣動熙元和炎炎

四真人摘辯若濤波交流無時寂楊墨日成科夫子聞洛誦誇
才才故多爲金好踊躍久客方蹉跎道可東賣之五寶溢山河
勸君還嵩邱開酌酌庭柯三花如未落乘興一來過

送梁公昌從信安王北征

入幕推英選捐書事遠戎高談百戰術鬱作萬夫雄起舞蓮華

劍行歌
明月宮將飛
天地陣兵出
塞垣通祖席
雷丹景征塵
拂綵虹
旋應獻凱入
麟閣
仁深功

送張秀才從軍

六駿食猛虎
恥從鶩馬羣
一朝長鳴去
矯若龍行雲
壯士懷遠略
志存解世紛
周粟猶不顧
齊珪安肯分
抱劍辭高堂
將投霍冠軍
長策掃河洛
甯親歸汝墳
當令千古後
麟閣著奇勳

送崔度還吳度故人禮部員外國輔之子

幽燕

幽燕沙雪地
萬里盡黃雲
朝吹歸秋鴈
南飛日幾羣
中有孤鳳雛
哀鳴九天聞
我乃重此鳥
綵章五色分
胡爲雜凡禽
雞鶩輕賤君
舉手捧爾足
疾心若火焚
拂羽淚滿面
送之吳江濱
去影

忽不見躑躅日將曛

送侯十一 梁宋

朱亥已擊晉侯嬴尙隱身時無魏公子豈貴抱關人余亦不火
食遊梁同在陳空餘湛盧劍贈爾託交親

魯中送二從弟赴舉之西京

再至魯中。一作送族弟鍾

魯客向西笑君門若夢中霜凋逐臣髮日憶明光宮復羨二龍
去才華冠世雄平衢騁高足逸翰凌長風舞袖拂秋月歌筵聞
早鴻送君日千里良會何由同

送紀秀才遊越

海水不滿眼觀濤難稱心卽知蓬萊石卻是巨鼈簪送爾遊華

頂令余發鳥吟。仙人居射的道士住山陰。禹穴尋溪入雲門。隔嶺深綠蘿。秋月夜相憶在鳴琴。

送楊燕之東魯

關西楊伯起。漢日舊稱賢。四代三公族。清風播人天。夫子華陰居。開門對玉蓮。何事歷循霍。雲帆今始還。君坐稍解顏。爲我作君歌。此篇我固侯。門士謬登聖。主筵一辭金。華殿躡躑長江邊。二子魯門東。別來已經年。因君此中去。不覺淚如泉。

送蔡山人

我本不棄世。世人自棄我。一乘無倪舟。八極縱遠柁。燕客期躍馬。唐生安敢譏。採珠勿驚龍。大道可暗歸。故山有松月。遲爾翫。

清輝

送殷淑三首

海水不可解。連江夜爲潮。俄然浦嶼闊。岸去酒船遙。惜別耐取醉。鳴根且長謠。天明爾當去。應有便風飄。

白鷺洲前月。天明送客迴。青龍山後日。早出海雲來。流水無情去。征帆逐吹開。相看不忍別。更進手中杯。

痛飲龍箏下。燈青月復寒。醉歌驚白鷺。半夜起沙灘。

送岑徵君歸鳴皋山

岑公相門子。雅望歸安石。奕世皆夔龍。中台竟一作三折。至人達機兆。高揖九州伯。奈何天地間。而作隳淪客。貴道皆一作全。

眞潛輝臥幽鄰一作鱗探元入窅默觀化遊無垠光武有天下嚴
陵爲故人雖登洛陽殿不屈巢由身余亦謝明主今稱偃蹇臣
登高覽萬古思與廣成鄰蹈海甯受賞還山非問津西來一作終期
一搖扇共拂元規塵

送范山人歸太山

魯客抱白雞一作鶴別余往太山初行若片雪一作雲杳在青崖間

高高至天門海日一作觀近可攀雲生望不及此去何時還

送張秀才謁高中丞並序

余時繫尋陽獄中正讀留侯傳秀才張孟熊蘊滅胡之
策將之廣陵謁高中丞余喜子房之風感激於斯人因

作是詩以送之

秦帝淪玉鏡

一作六雄滅金虎

留侯降氛氲感激黃石老經過滄海君

壯士揮金槌報讎六合聞智勇冠終古蕭陳難與羣兩龍爭鬪

時天地動風雲酒酣

縱橫

舞長劍倉卒解漢紛宇宙初倒懸鴻

溝勢將分英謀信奇絕夫子揚清芬

絕一作夫子稱卓

胡月入紫

微三光亂天文高公鎮淮海談笑廓妖氛探爾幕中畫戡難光

殊勳我無燕霜感玉石俱燒焚但灑一行淚臨歧竟何云

尋陽送弟昌叅鄱陽司馬作

桑落洲渚連滄江無雲煙尋陽非剡水忽見子猷船了見欲相

近來遲杳若仙人乘海上月帆落湖中天一覩無二諾朝懽更

勝昨爾則吾惠連吾非爾康樂朱紱白銀章上官佐鄱陽松門
拂中道石鏡迴清光搖扇及干越水亭風氣涼與爾期此亭期
在秋月滿時過或未來兩鄉心已斷吳山對楚岸彭蠡當中州
相思定如此有窮盡年愁

餞校書叔雲

少年費白日歌笑矜朱顏不知忽已老喜見春風還惜別且爲
懽徘徊桃李間看花飲美酒聽鳥臨晴山向晚竹林寂無人空
閉關

洞庭醉後送絳州呂使君果流澧州

江夏

昔別若夢中天涯忽相逢洞庭破秋月縱酒開愁容贈劍刻玉

字延平兩蛟龍送君不盡意書及鴈迴峯

送趙判官赴黔府中丞叔幕

廓落青雲心結交黃金盡富貴翻相忘令人忽自哂躑躅鬣毛

班盛時難再還巨源咄石生何事馬蹏間山濤字巨源解河陽

起蹏鑿其語鹽答云云濤曰咄石生無事馬綠蘿長不厭卻欲

還東山君為魯曾子拜揖高堂裏叔繼趙平原偏承明主恩風

霜推一作催獨坐旌節鎮雄藩虎士秉金鉞蛾眉開玉樽才高幕

下去義重林中言水宿五溪月霜曉三峽猿東風春草綠江上

候歸軒

送郗昂謫巴中

瑤草塞不死。移植滄江濱。東風灑雨露。會入天地池。一作春子若
洞庭葉隨波。送逐臣。思歸未可得。書此謝情人。

送二季之江東

初發強中作題詩與惠連。謝靈運有登臨海嶠初發強中作與從弟惠連見羊何共和之詩多

慙一日長不及。二龍賢西塞。當中路南風。欲進船雲峯。出遠海

帆影挂清川。禹穴藏書地。匡山種杏田。此行俱有適。遲爾早歸

旋

江西送友人之羅浮

南昌

桂水分五嶺。衡山朝九疑。鄉關眇安西。流浪將何之。素色愁明

湖。秋渚晦寒姿。疇昔紫芳意。李善注江淹詩也已過黃髮期。君王

時

入家詩錄 卷五
三
縱疏散雲壑借巢夷二句太白自謂供奉翰林不合詔賜金還山也爾去之羅浮我還
憩峨眉中關道萬里霞月遙相思如尋楚狂子瓊樹有芳枝

宣城送劉副使入秦

君卽劉越石雄豪冠當時淒清橫吹曲慷慨扶風詞虎嘯俟騰
躍鷄鳴遭亂離千金市駿馬萬里逐王師結交樓煩將侍從羽
林兒統兵捍吳越豺虎不敢窺大勳竟莫敘已過秋風吹已過
吹言事過之後略無形迹猶云如浮乘鉞有季公凜然負英姿
雲之過太虛如東風之射馬耳也寄深且戎幕望重必台司感激一然諾縱橫兩無疑伏奏歸北
闕鳴騶忽西馳列將咸出祖英竇惜分離斗酒滿四筵歌笑宛
溪湄君攜東山妓我詠北門詩貴賤交不易恐傷園中葵昔贈

紫駟駒今傾白玉卮同驩萬斛酒未足解相思此別又千里一作

此外別秦吳渺天涯月明關山苦水劇隴頭悲借問幾時還春

風入黃池無令長相思折斷綠楊枝

涇川送族弟錞時盧校書草序御為詩

涇川三百里若邪善見之錦石照碧山兩邊白鷺鷥佳境千萬

曲客行無歇時上有琴高水下有陵陽祠仙人不見我明月空

相知問我何事來盧敖結幽期蓬山振雄筆繡服揮清詞江湖

發秀色草木含榮滋置酒送惠連吾家稱白眉愧無海嶠作敢

闕河梁詩海嶠用靈運事見爾復幾朝俄然告將離中流漾綵

鷁列岸叢金羈歎息蒼梧鳳分棲瓊樹枝清晨各飛去飄落天

南陲望極落日盡秋深
猿悲寄情與流水但有長相思

五松山送殷淑

秀色發江左風流奈若何
仲文了不還

仲文了不還猶云

獨立

揚清波載酒五松山
頽然白雲歌中天
度落月萬里遙
相過撫酒惜此月流光
畏蹉跎明日別離去
連峯鬱嵯峨

送崔氏昆季之金陵

一作秋夜崔八文水亭送崔二

放一作歌倚東樓
行子期曉發
秋風渡江來
吹落山上月
主人

出美酒滅燭延清光
二崔向金陵
安得不盡觴
水客弄歸棹
雲帆卷輕霜
扁舟敬亭下
五兩先飄揚
峽石入水花
碧流日更長
思君無歲月
西笑阻河梁

登黃山凌歊臺送族弟溧陽尉濟充一作汎舟赴華陰

鸞乃鳳之族翽翔紫雲霓文章輝一作耀五色雙在瓊樹棲一朝

各飛去鳳與鸞俱號炎赫五月中朱曦爍河堤爾從汎舟役使

我心魂悽秦地無草木南雲喧鼓鞀君王滅玉膳早起思鳴雞

漕引救關輔疲人免塗泥宰相作霖雨農夫得耕犁靜者伏草

閒羣才滿金闈空手無壯士窮居使人低靜者伏草閒公自謂

貧約者不送君登黃山長嘯倚一作上天梯小舟若鳧鴈大舟若

鯨鯢開帆散長風舒卷與雲齊日入牛渚晦蒼然夕煙迷相思

在何所一作許杳在洛陽西已上送別

酬談少府襄漢口以

一尉居倏忽梅生有仙骨三事或可羞匈奴晒千秋梅生即福也秋壯心屈黃綬浪跡寄滄洲昨觀荆峴作如從雲漢遊老夫當暮矣蹠足懼驩駟

五月東魯行答汶上翁魯中

五月梅始黃一作禾蠶凋桑柘空魯人重織作機杼鳴簾櫳顧

余不及仕學劍來山東舉鞭訪前途獲笑汶上翁下愚一作人忽

壯士未足論窮通我以一箭書能取聊城功終然不受賞羞與

時人同西歸去直道落日昏陰虹此一作我去爾勿言甘心如轉

蓬

答長安崔少府叔封遊終南翠微寺太宗皇帝金沙泉見

寄長安

河伯見海若傲然誇秋水小物暗遣圖甯知道方士一作甯識

多君紫霄意獨往蒼山裏地古寒雲一作雪深巖高長風起初登

翠微嶺復憩金沙泉踐苔朝霜滑弄波夕月圓飲彼石下流一作

潭一作潭結蘿宿谿煙鼎湖夢綠水龍駕空何一作何茫然早行子午間一作

開一作開又卻登山路遠一作作卻歎山路遠拂琴聽霜猿滅燭乃星飯

人煙無明異鳥道絕往返攀崖倒青天一作到下視白日晚既

過一作過石門隱還唱一作作石潭歌涉雪攀紫芳一作采濯纓想

一一作清波此一作斯人不可見此地君自過為余謝風泉其如幽

意何

酬崔五郎中

朔雲橫高天。萬里起秋色。壯士心飛揚。落日空歎息。長嘯出原野。凜然寒風生。幸遭聖明時。功業猶未成。奈何懷良圖。鬱悒獨愁坐。一作空杖策尋英豪。立談乃知我。崔公生民秀。緬邈青雲姿。制作參造化。託諷含神祇。海嶽尙可傾。吐諾終不移。是時霜飈寒。逸興臨華池。起舞拂長劍。四座皆揚眉。因得窮歡情。贈我以新詩。又結汗漫期。九垓遠相待。舉身憩蓬壺。濯足弄滄海。從此凌倒景。一去無時還。朝遊明光宮。暮入闔闔關。但得長把杖。何必嵩邱山。

以詩代書答元丹邱

青鳥

一作鳥

海上來

今朝發何處

口銜雲錦字

一作書

與我復飛去

鳥去凌紫煙

書畱綺窗前

開緘方

一作時

一笑乃是故人傳

深相勗憶我勞心

曲離居在咸陽三見秦草綠置書雙杖間引

領不慙閑長望

一作歎

一作

杳難見淨雲橫遠山

金門答蘇秀才

君還石門日朱火始改木春草如有情山中尙含綠折芳愧遙

憶永路當自勗遠見故人心平生以此足巨海納百川麟閣多

才賢獻書入金門酌醴奉瓊筵屢忝白雲唱恭聞黃竹篇恩光

煦拙薄雲漢希騰遷銘鼎儻云遂扁舟方渺然我畱在金門不

去臥丹壑朶果三山期遙欣一邱樂玄珠寄罔象赤水非寥廓

願狎東海鷗。共營西山藥。栖巖君寂滅。處世余龍蠖。良辰不同
賞。永日應閑居。鳥吟檐間樹。花落窗下書。緣谿見綠篠。隔岫窺
紅蕖。採薇行笑歌。眷我情何已。月出石鏡間。松鳴風琴裏。得心
自虛妙。外物空頽靡。身世如兩忘。從君老煙水。

酬坊州王司馬與閣正字對雪見贈

陝右

遊子東南來自宛。適京國飄然無心雲。倏忽復西北訪戴。昔未
偶尋嵇。此相得愁顏發。新歡終宴敘。前識閣公漢庭舊。沈鬱富
才力。價重銅龍樓。聲高重門側。甯期此相遇。華館陪遊息。積雪
明遠峯。寒城泣春色。主人蒼生望。假我青雲翼。風水如見資。投
竿佐皇極。

酬張卿夜宿南陵見贈

月出魯城東。明如天上雪。魯女驚莎雞。鳴機應秋節。當君相思夜。火落金風高。河漢挂戶牖。欲濟無輕舫。我昔辭林邱。雲龍忽相見。客星動太微。朝去洛陽殿。爾來得茂彥。七葉仕漢餘。身爲下邳客。家有圯橋書。傳說未夢時。終當起巖野。萬古騎辰星光輝。照天下。與君各未遇。長策委蒿萊。寶刀隱玉匣。鏞澁空莓苔。遂令世上愚。輕我土與灰。一朝攀龍去。掘趾安在哉。故山定有酒。與爾傾金壘。

酬岑勛見尋就元丹邱對酒相待以詩見招

黃鶴東南來。寄書寫心曲。倚松開其緘。憶我腸斷續。不以千里

遙命駕來相招中逢元丹邱登嶺宴碧霄對酒忽思我長嘯臨
清廳蹇余未相知茫茫綠雲垂俄然素書及解此長渴飢策馬
望山月途窮造堦墀喜茲一會面若覩瓊樹枝憶君我遠來我
歡方速至開顏酌美酒樂極忽成醉我情既不淺君意方亦深
相知兩相得一顧輕千金且向山客笑與君論素心

答從弟幼成過西園見贈

一身自瀟灑萬物何囂喧拙薄謝明時樓閣歸故園二季過舊
壑四鄰馳華軒衣劍照松宇賓徒光石門山童薦珍果野老開
芳罇上陳樵漁事下敘農圃言昨來荷花滿今見蘭苕繁一笑
復一歌不知夕景昏醉罷同所樂此情難具論

酬王補闕惠翼莊廟宋丞泚贈別

學道三十春自言羲皇人軒蓋宛若夢雲松長相親偶將二公
合復與三山鄰喜結海上契自爲天外賓驚翻我先鍛龍性君
莫馴朴散不尙古時譎皆失真勿踏荒溪波竭來浩然津荒溪波浩
然津皆太白所命之名猶莊子稱建德之國無何有之鄉耳薛帶何辭楚桃源堪避秦世迫
且離別心在期隱淪酬贈非炯戒永言銘佩紳

酬裴侍御對雨感時見贈

金陵

雨色秋來寒風嚴清江爽孤高繡衣人瀟灑青霞賞平生多感
激忠義非外獎禍連續怨生事及徂川往楚邦有壯士鄢郢翻
掃蕩申包哭秦庭泣血將安仰鞭屍辱已及堂上羅宿莽頗似

今之人孟賊陷忠讜渺然一水隔何由稅歸鞅日夕聽猿愁懷
賢盈夢想

翫月金陵城西孫楚酒樓達曙歌吹日晚乘醉著紫綺裘
烏紗巾與酒客數人棹歌秦淮往石頭訪崔四侍御

昨翫西城月青天垂玉鉤朝沽金陵酒歌吹孫楚樓忽憶繡衣
人乘船往石頭草裏烏紗巾倒披紫綺裘兩岸拍手笑疑是王
子猷酒客十數公崩騰醉中流謔浪掉海客喧呼傲陽侯半道
逢吳姬卷簾出挪斂我憶君到此不知狂與羞月下見君三
杯便迴橈捨舟共連袂行上南渡橋興發歌淥水秦客爲之搖
蕩一作雞鳴復相招清雙逸雲霄贈我數百字字字凌風颺紫之

宗英乃禪伯。投贈有佳篇。清鏡燭無鹽。願慙西子妍。朝坐有餘興。長吟播諸天。

酬裴侍御留岫師彈琴見寄

君同鮑明遠。邀彼休上人。鼓琴亂白雪。秋變江上春。瑤草綠未衰。攀翻寄情親。相思兩不見。流淚空盈巾。

張相公出鎮荊州尋除太子詹事余時流夜郎行至江夏與張公相去千里公因太府丞王昔使車寄羅衣二事

及五月五日贈余詩余答以此詩

流夜郎至江夏

張衡殊不樂。應有四愁詩。慙君錦繡段。贈我慰相思。鴻鵠復矯翼。鳳皇憶故池。榮樂一如此。商山老紫芝。

答裴侍御先行至石頭驛以書見招期月滿汎洞庭

君至石頭驛寄書黃鶴樓開緘識遠意速此南行舟風水無定

準湍波或成一在滯齒憶昨新初一作月生西檐若瓊鉤今來何所

似破鏡懸清秋恨不三五明平湖汎澄流此歡竟莫遂狂殺王

子猷巴陵定近遠持贈何人憂石頭驛在嘉魚之上白螺磯之

夏裴以月之初二西至石頭驛約公速行將以十五同泛洞庭

答高山人兼呈權顧二侯

虹霓掩天光哲后起康濟應運生夔龍開元掃氛翳太微廓金

鏡端拱清遐裔輕塵集嵩岳虛點盛明意謬揮紫泥詔獻納青

雲際讒惑英主心恩疏佞臣計徬徨庭闕下歎息光陰逝未作

仲宣詩先流賈生涕挂帆秋江上不爲雲羅制山海向東傾百川無盡勢我於鴟夷子相去千餘歲運關英達稀同風遙執杖登艫望遠水忽見滄浪楫高士何處來虛舟眇安繫衣貌本淳古文章多佳麗延引故鄉人風義未淪替顧侯達語默權子識通蔽會是無心雲俱爲此畱滯雙萍易飄轉獨鶴思凌厲明晨去瀟湘共謁蒼梧帝

至陵陽山登天柱石酬韓侍御見招隱黃山

韓眾騎白鹿西住華山中玉女千餘人相隨在雲空見我傳祕訣精誠與天通何意到陵陽遊目送飛鴻天子昔避狄與君亦乘驄擁兵五陵下長策遏胡戎時秦解繡衣脫身若飛蓬鸞鳳

翻翕翼啄粟坐樊籠海鶴一笑之思歸向遼東黃山過石柱巘
嶠上攢叢因巢翠玉樹忽見浮邱公又引王子喬吹笙舞松風
朗詠紫霞篇請開藥珠宮步綢繆碧落倚樹招青童何日可攜
手遺形入無窮

酬崔十五見招

爾有鳥跡書相招琴溪飲手跡尺素中如天落雲錦讀罷向空
笑疑君在我前長吟字不滅懷袖且三年

已上
酬答

遊南陽白水登石激

作襄陽○以下遊宴

朝涉白水源暫與人俗疏島嶼佳境色江天涵清虛目送去海
雲心閑遊川魚長歌盡落日乘月歸田廬

遊南陽清冷泉

惜彼落日暮。愛此寒泉清。西巖逐水流。蕩漾遊子情。空歌望雲月。山盡長松聲。

尋魯城北范居士失道落蒼耳中見范置酒摘蒼耳作

鴈度秋色遠。日靜無雲時。客心不自得。浩漫將何之。忽憶范野

人。閑園養幽姿。茫然起逸興。但恐行來遲。城壕失往路。馬首迷

荒陂。不惜翠雲裘。遂爲蒼耳欺。入門且一笑。把臂君爲誰。酒客

愛秋蔬。山盤薦霜梨。他筵不下筓。此席忘朝飢。酸棗垂北郭。寒

瓜蔓東籬。還傾四五酌。自詠猛虎詞。古來猛虎行多言。不以艱

自傷不近作十日歡。遠爲千載期。風流自簸蕩。詭浪偏相宜。酣

遇耳

來上馬去卻笑高陽池

秋獵孟諸夜歸置酒單父東樓觀妓

傾暉速短炬走海無停川冀餐圓邱草欲以還頽年此事不可
得微生若浮煙俊發跨名駒雕弓控鳴絃鷹豪魯草白狐兔多
肥鮮邀遮相馳逐遂出城東田一掃四野空喧呼鞍馬前歸來
獻所獲炮炙宜霜天出舞兩美人飄飄若雲仙畱歡不知疲清
曉方來旋

遊太山六首

一作天寶元年四月
從故御道上太山

四月上太山石平御道開六龍過萬壑澗谷隨縈迴馬跡邁碧
峯于今滿青苔飛流灑絕巘水急一作松聲哀北眺崕嶂奇傾

崖向東摧洞門閉石扇地底興雲雷登高望蓬瀛想像金籙臺
天門一長嘯萬里清風來玉女四五人飄飄下九垓含笑引素
手邀我流霞杯稽首再拜之自愧非仙才曠然小宇宙棄世何
悠哉

青曉騎白鹿直上天門山山際逢羽人方瞳好容顏捫蘿欲就
語卻掩青雲關遺我鳥跡書飄然落巖間其字乃上古讀之了
不閑感此三歎息從師方未還

平明登日觀舉手開雲關精神四飛揚如出天地間黃河從西
來窈窕入遠山憑崖覽八極目盡長空闌偶然值青童綠髮雙
雲鬢笑我晚學仙蹉跎凋朱顏躊躇忽不見浩蕩難追攀

清齋三千日裂素寫道經吟誦有所得眾神衛我形雲行信長
風颯若羽翼生攀崖上日觀伏檻窺東溟海色動遠山天雞已
先鳴銀臺出倒景白浪翻長鯨安得不死藥高飛向蓬瀛
日觀東北傾兩崖夾雙石海水落眼前天光搖空碧千峯爭攢
聚萬壑絕凌歷緬彼鶴上仙去無雲中跡長松入霄漢遠望不
盈尺山花異人閒五月雪中白終當遇安期於此鍊玉液
朝飲王母池暝投天門闕獨抱綠綺琴夜行青山月山明月露
白夜靜松風歇仙人遊碧峯處處笙歌發寂聽娛清輝玉真連
翠微想像鸞鳳舞飄飄龍虎衣捫天摘匏瓜恍惚不憶歸舉手
弄清淺誤攀織女機明農坐相失但見五雲飛

與從姪杭州刺史良遊天竺寺

吳中

挂席凌蓬邱。觀濤憩樟樓。三山動逸興。五馬同遨遊。天竺森在
眼。松門颯驚秋。覽雲測變化。弄水窮幽壑。嶂隔遙海當。軒寫
歸流詩。成傲雲月佳。趣滿吳洲。

十八家詩鈔卷五

善化黃維申覆校